

Ўзбекистон сертифициланган
молия мутахассислари
уюшмаси (ACFP)



cfs

Certified
Finance
Specialist

CFS малакаси бўйича қўлланма



acfp
Uzbekistan

Association of
Certified Finance
Professionals
of Uzbekistan

www.acfp.uz

Мундарижа

ACFP малакаси.....	2
Кичик бизнес учун универсал малака.....	2
Халқаро эътироф сари иккинчи қадам	3
CFS кимга ва нима учун керак	5
CFS тасдиқлайдиган ваколатлар	7
CFS имтиҳонлари ва «Ахлоқ ва профессионал хулқ асослари» курси	9
CFS имтиҳонларига кириш шартлари	11
CFS имтиҳонлари қандай ва қаерда ўтказилади	12
Имтиҳонларга қандай тайёрланиш керак	14
Имтиҳонлардан озод қилиш	15
Академик жиҳатдан ҳалоллик.....	16
CFS малакаси белгисидан фойдаланиш.....	17
Кейин нима бўлади.....	18

ACFP малакаси

ҳар бир бизнес муваффақиятга эришиши учун ходимлар – молиядаги профессионаллар жуда муҳим. Ўзбекистон сертификатланган молия мутахассислари уюшмаси (ACFP) билан шундай профессионалга айланинг.

ACFP малака дастури 4 та даражани қамраб олади:

- **А даражаси – AFS** (Associate Finance Specialist –Сертификатланган кичик молия мутахассиси);
- **В даражаси – CFS** (Certified Finance Specialist – Базавий даражада сертификатланган молия мутахассиси);
- **С даражаси – CFP** (Certified Finance Professional –Профессионал даражада сертификатланган молия мутахассиси);
- **Д даражаси – ACFP** (Advanced Certified Finance Professional – Илғор даражада сертификатланган молия мутахассиси).

Малакани пастроқ даражадаги малакадан юқорироқ даражадаги малакага сари изчил тасдиқлаш лозим.



Сизнинг касб сари йўлингиз: AFS → CFS → CFP → ACFP



Кичик бизнес учун универсал малака

CFS (Certified Finance Specialist – Базавий даражада сертификатланган молия мутахассиси) малакаси Ўзбекистоннинг кичик бизнесига хизмат кўрсатувчи молия мутахассислари учун махсус ишлаб чиқилган.

Агар сизда олий молиявий маълумот бўлмаса, CFS – барча молиявий мутахассисликлар асосига киритилган ваколатлар бўйича базавий билимлар, кўникмалар ва қобилиятни тасдиқлаш учун рисоладагидек малака.

CFS малакасини олиш учун 7 та имтиҳон топшириш ва «Ахлоқ ва профессионал хулқ асослари» курсидан ўтиш лозим. Улар сизнинг:

- ҳисоботларда ташкилотлар ва улар гуруҳларининг активлари, мажбуриятлари, капитали, даромадлари ва харажатларининг асосий моддаларини ҳисобга олиш ва акс эттириш;
- бошқарув қарорларини ишлаб чиқишнинг турли босқичларида бошқарув ҳисобининг базавий усулларини қўллаш;
- молиявий ҳисобот аудити учун техник кўникмалардан фойдаланиш;
- директорларга/мулкдорларга инвестициявий ва молиявий қарорларни қабул қилишда айланма капиталини бошқаришга кўмаклаш;



- ўз ишингизда бизнесни тартибга солувчи асосий ҳуқуқий меъёрларни ҳисобга олиш;
- жисмоний шахслар даромадларига, қўшилган қийматга, жами даромадларга ва фойдага, мол-мулк, ер ва сувга солиқлар солиш лаёқатингизни тасдиқлайди.

CFS малакасини олиш учун барча имтиҳонларга тайёрланиш ва уларни топшириш учун сизга 15 ой ва ундан кўп муддат ва камида 15 млн сўм талаб қилинади. Сиз ўзингизга энг манфаатли сармояни киритасиз: у сизнинг манфаатли ишга жойлашишингиз, мартабада ўсишингиз ва даромадингиз ошиши истиқболини яхшилайдди.

ACFPга қўшилиш ва микро ва кичик бизнесда молияни бошқариш учун билим ва амалий кўникмаларга эга бўлинг.




Халқаро эътироф сари иккинчи қадам

CFS малакаси – бу нафақат мустақил малака, балки ACFP ва ACCA малакасининг анча илғор даражаларига тайёрланиш босқичи:

- ACFP томонидан ишлаб чиқилган CFP (Certified Finance Professional) профессионал малакаси;
- «Молия ва бизнесни бошқариш» (ACCA) дипломи, уни олиш учун имтиҳонлар ACFP билан (JES) қўшма схемаси бўйича ўтказилади.

CFS малакаси номзодларни молиявий ҳисобот, бошқарув ҳисоби, аудит, молиявий менежмент, солиқлар ва ҳуқуқни анча чуқур тушуниш ва таҳлил қилишга тайёрлайди. Бу эса – CFP ва ACCA профессионал малакасини олиш учун имтиҳонларни муваффақиятли топшириш учун зарур шарт.

Шу тариқа, CFS нафақат базавий билим ва кўникмалар беради, балки молия ва бизнесни бошқариш соҳасида анча мураккаб дастакларни ўзлаштиришни осонлаштирган ҳолда, сизни профессионал ривожланишнинг кейинги босқичига оҳиста ўтказди. Бу CFS малакасини молия мутахассиси сифатида профессионал ўсишга интилувчи ҳар кимнинг захирасидаги қимматли активга айлантиради.



CFS кимга ва нима учун керак

Кичик бизнесга хизмат кўрсатувчи молия мутахассислари учун

Агар сиз кичик корхоналар билан ишлаётган бўлсангиз, CFS малакаси бухгалтерия ҳисоби дастурларига маълумотларни киритиш ва солиқ маъмуриятчилиги бўйича одатдаги иш доирасидан ташқарида профессионал кўникмаларни анча кенгайтиришни таклиф қилади. Сиз нафақат мавжуд билимларни мустаҳкамлайсиз ва тизимлаштирасиз, балки молиявий ва бошқарув ҳисоботларини тузиш, аудит, молияни бошқариш, солиқ солиш ва ҳуқуқ бўйича базавий кўникмаларни ўзлаштирган ҳолда, сиз уларни анча чуқурлаштирасиз.

Яқин вақтда сунъий интеллектга асосланган ҳисоб ва солиқ тизимлари иқтисодий ва молиявий ахборотга инсон иштирокисиз ишлов бериши мумкин бўлади. Бозорда ушбу технологияларни ноёб инсон кўникмалари – профессионал мулоҳаза, ахлоқий хулқ ва шахслар ўртасида мулоқот билан тўлдиришга лаёқатли мутахассислар қолади.

CFS малакаси сизга меҳнат бозорида талабгир бўлиб қолиш, ўз рақобатбардошлигингиз ва қадрингизни ошириш, бизнес молиясини бошқаришда сунъий интеллектни қўллаш шароитларида мартабада ўсиш ва касбни ривожлантириш имкониятларини таъминлаш имконини беради.



ҳисоб участкаси бўйича бухгалтерлар учун

CFS малакаси сизга нафақат ўз ишингиз участкасининг ўзига хос хусусиятларини чуқур тушуниш, балки бизнес молиясини бошқариш асослари бўйича янги билим ва кўникмаларни эгаллаш имконини беради. Сиз:

- ихтисослаштирилган ишларни сифатли бажаришингиз;
- ҳисобнинг турли участкалари ўртасидаги ўзаро боғлиқликни ва ўз ишингизнинг корхонанинг молиявий ҳолати ва фаолиятининг натижаларига таъсирини тушунишингиз;
- ташкилот учун ўз қадрингизни оширган ва мартабада ўсишнинг янги имкониятларини очган ҳолда, тезроқ профессионал ўсишингиз мумкин.

Кичик бизнес раҳбарлари ва мулкдорлари учун

Сиз CFS малакаси билан қуйидаги афзалликларга эга бўлган ҳолда, бизнесингиз молиясини самаралироқ бошқаришингиз мумкин:

- сиз молиявий ҳисоботлар ва бюджетларни таҳлил қилиш, пул оқимлари ҳаракатини бошқариш, молиявий хатарлар ва имкониятларни ҳисобга олган ҳолда, асосланган инвестициявий қарорлар қабул қилиш кўникмаларини эгаллайсиз;
- сиз фирибгарлик хатарини минималлаштириш, компаниянинг молиявий ҳафсизлигини ошириш ва унинг барқарор ривожланишини таъминлашга қаратилган самарали ички назорат тартиб-таомилларини ишлаб чиқишингиз ва жорий этишингиз мумкин;
- сиз бухгалтерлар ва молия маслаҳатчиларининг таклифларини яхши тушунган, тўғри саволлар берган ва ҳисоботларни талаб қилган ҳолда, улар билан анча самарали мулоқот қилишингиз мумкин;
- инвесторлар, кредит ташкилотлари ва бизнес-ҳамкорлар томонидан бизнесингизга ишонч ошади. Бу молиялаштиришни жалб қилиш ва бизнесни кенгайтириш жараёнини соддалаштириши мумкин.

Иқтисодий ва молиявий мутахассисликлар талабалари учун

CFS сизга академик таълимни тўлдирадиган бетақроқ афзалликларни таклиф қилади:

- назарий билимларни қўллашга ўргатадиган туркумлаштирилган дастур туфайли амалий кўникмаларни эгаллаш. Бу реал бизнес вазиятларини тушуниш ва асосланган қарорларни қабул қилиш лаёқати жуда муҳим бўлган бизнес молиясини бошқаришда айниқса қадрлидир;
- ўзини ўзи такомиллаштириш ва профессионал ташаббусга интилишингизни намоён қилган ҳолда, шунга ўхшаш малакага эга бўлмаган бошқа талабалар ўртасида ажралиб туриш имконияти;
- бу профессионал даражадаги малакани олиш учун анча мураккаб имтиҳонлар томон қадам.





CFS тасдиқлайдиган ваколатлар

CFS малакаси кичик бизнесда молия мутахассиси сифатида ишлаш учун зарур ваколатларни 8 та фан бўйича тасдиқлайди:

Молиявий ҳисоб ва ҳисобот	Бошқарув ҳисоби
Компаниянинг асосий операцияларини ҳисобга олиш Молиявий ҳисоботни тайёрлаш жараёни Тўлиқ бўлмаган ёзувлардан молиявий ҳисоботни тиклаш Компаниялар гуруҳи учун ҳисоботни тайёрлаш тамойиллари Молиявий ҳисоботнинг базавий таҳлили Базавий математика кўникмалари	Бошқарув ҳисоби учун иқтисодий статистика ва макроиқтисодиёт Харажатларни ҳисобга олиш ва таннархни баҳолаш усуллари Захираларни бошқариш Қисқа муддатли қарорлар қабул қилиш Бюджетлаштириш Оғишлар таҳлили Алоҳида бўлинмалар фаолияти натижаларини баҳолаш Базавий математика кўникмалари
Молияни бошқариш	Аудит ва ишонч
Ташкилотнинг мақсадларига эришиш контекстида молияни бошқариш Молияни бошқаришнинг макроиқтисодий контексти Молияни бошқаришнинг математика асослари Инвестициявий қарорларни қабул қилиш асослари Молиялаштириш тўғрисида қарорлар қабул қилиш асослари Айланма капитални бошқариш асослари	Аудиторлик хизматлари турлари ва аудитни тартибга солиш Аудиторнинг профессионал ахлоқи асослари Аудиторлар ва аудиторлик ташкилотларининг мустақиллиги асослари Аудитор ва корпоратив бошқарув учун жавоб берадиган шахслар ўртасида ўзаро ҳамкорлик қисмида корпоратив бошқарув асослари Аудитнинг мақсадлари ва аудиторликка оид далилларни йиғиш асослари Аудиторлик хавфи асослари Мижозни ички назорат қилиш тизими асослари
Ҳуқуқ	Солиқлар ва солиқ солиш
Ҳуқуқ тизими элементлари Фуқаролик ва солиқ қонунчилигида шахслар Мулк Тадбиркорлик фаолиятининг ҳуқуқий асослари Мажбурият ҳуқуқи Компанияни молиялаштириш ва дивидендлар	Ўзбекистоннинг солиқ солиш тизими Ўзбекистоннинг солиқ маъмуриятчилиги тизими Жисмоний шахслардан олинадиган даромад солиғи Ижтимоий солиқ Айланмадан олинадиган солиқ Қўшилган қиймат солиғи Фойда солиғи

Ташкилотда меҳнатга оид муносабатлар Тадбиркорлик субъектларининг ҳуқуқ ва қонуний манфаатларини ҳимоя қилиш ва тиклаш	Юридик шахсларнинг мол-мулкига солинадиган солиқ Юридик шахслардан олинадиган ер солиғи Сув ресурсларидан фойдаланганлик учун солиқ
Ташкилот ва унинг фаолияти	Ахлоқ ва профессионал ҳуқ
Ташкилот ва манфаатдор томонлар Ташқи муҳит ва унинг ташкилот фаолиятига таъсири Тижорат ташкилоти, тузилмаси, функциялари, бошқариш Ташкилотнинг фаолиятида бухгалтерия ва молия Назорат, хавфсизлик ва аудит Ходимларнинг ташкилот фаолиятидаги роли Ташкилот фаолиятида ахлоқий масалалар	Ахлоқий ҳуқнинг фундаментал тамойиллари Профессионал ташкилотлар ва регуляторнинг молиявий касбларда ахлоқий профессионал стандартларни тарғиб қилишдаги роли Корпоратив ахлоқ кодексларининг афзалликлари Ахлоқий низолар ва таҳдидлар, ахлоқий дилеммалар ва таҳдидларга қарши эҳтиёт чоралари Молиячиларнинг ҳамкасблари, раҳбарият, контрагентлар билан муваффақиятли ўзаро ҳамкорлиги учун самарали мулоқот Мақсадларни қўйиш, режалаштириш, ўзини ўзи ташкиллаштириш / ўзини ўзи таҳлил қилиш ва мансабда ўсишни бошқариш

7 та имтиҳонда ва битта курсда ушбу ваколатларни тасдиқлаган ҳолда, сиз қуйидаги лавозимларда ишлашингиз мумкин:



CFS имтиҳонлари ва «Ахлоқ ва профессионал хулқ асослари» курси



CFS малакасини олиш учун сиз 7 та имтиҳон топширишингиз ва «Ахлоқ ва профессионал хулқ асослари» курсидан ўтишингиз лозим. Имтиҳонлар номи ва уларнинг мақсадлари жадвалда тақдим этилган:

В.FR Молиявий ҳисоб ва ҳисобот асослари	В.МА Бошқарув ҳисоби асослари
Имтиҳоннинг мақсади – талабгорлар томонидан номолиявий секторнинг алоҳида ташкилотлари ва ташкилотлар гуруҳлари активлари, мажбуриятлари, капитали, даромадлари ва харажатларининг асосий моддаларини ҳисобга олиш ва ҳисоботда акс эттиришга оид билим ва кўникмаларини тасдиқлаш.	Имтиҳоннинг мақсади – талабгорлар томонидан дастлабки ҳисоб маълумотларини олишдан бошлаб фаолият натижаларини баҳолаш ва бундай циклнинг турли босқичларида қўлланиладиган базавий усулларни ўзлаштиришгача бўлган бошқарув ҳисобининг иш циклини тушунишни тасдиқлаш.
В.FM Молияни бошқариш асослари	В.AU Аудит ва ишончни таъминлайдиган топшириқлар асослари
Имтиҳоннинг мақсади – талабгорлар томонидан номолиявий секторнинг алоҳида ташкилотлари молиясини бошқаришда айланма капиталини бошқариш усулларини қўллаш, шунингдек инвестициявий ва молиявий қарорлар қабул қилиш кўникмаларини тасдиқлаш.	Имтиҳоннинг мақсади – талабгорлар томонидан молиявий ахборотга нисбатан ишончни таъминлайдиган топшириқлар тўғрисида базавий билимларни тасдиқлаш: – аудит ва ишончни таъминлайдиган бошқа топшириқларнинг моҳиятини белгилаш; – топшириқларни бажариш босқичлари ва уларни бажариш учун ахборот йиғиш жараёнини белгилаш; – агентлар ўзаро муносабатлари ва профессионал ахлоқ асослари контекстини тушуниш.
Ҳуқуқ	Солиқлар ва солиқ солиш
Имтиҳоннинг мақсади – талабгорлар томонидан тадбиркорлик фаолиятининг ҳуқуқий муҳитини тўлиқ тушунишни тасдиқлаш.	Имтиҳоннинг мақсади – талабгорлар томонидан: – Ўзбекистонда солиқ солиш ва солиқлар маъмуриятчилигининг умумий қоидаларини тушуниш; – жисмоний шахслар даромадларига, қўшилган қийматга, жами даромадлар ва фойдага, шунингдек мол-мулк, ер ва сувга солиқ солиш кўникмаларини тасдиқлаш.

Ташкилот ва унинг фаолияти	Ахлоқ ва профессионал хулқ
Имтиҳоннинг мақсади – талабгорлар томонидан: – ташкилотларни ташкил этиш сабаблари ва мақсадлари, уларнинг фаолият кўрсатиши шартлари; – бошқарув тузилмалари ва тамойиллари; – ташкилот фаолияти учун жуда муҳим ҳисобланадиган омилар тўғрисида билимларни тасдиқлаш.	Имтиҳоннинг мақсади – талабгорлар томонидан: – реал иш вазиятларида ахлоқ ва профессионал хулқ тамойилларини қўллашни тушунишни; – иш мақсадларига эришиш учун ахлоқий баҳолаш кўникмаларини; – молиячиларнинг ҳамкасблари, раҳбарият, контрагентлар билан муваффақиятли ўзаро ҳамкорлиги учун мулоқот кўникмаларини; – мақсадларни қўйиш, режалаштириш, ўзини ўзи ташкиллаштириш / ўзини ўзи таҳлил қилиш ва мансабда ўсишни бошқариш кўникмаларини шакллантириш.



CFS имтиҳонларига кириш шартлари

CFS малакасини олиш учун имтиҳонлар топшириш ҳуқуқига эга бўлиш учун, сиз:

а) AFS малакасини олишингиз, ёки

компьютерда 4 та онлайн-имтиҳон топширишингиз керак: А.МТ Молиячи учун математика асослари, А.FR Молиявий ҳисобга кириш, А.МА Бошқарув ҳисобига кириш ва А.XL Молиячи учун Excel асослари.



Эътибор беринг!

Сиз ҳисоб ва солиқлар бўйича ресурс марказида олдиндан бепул курслардан ўтган ҳолда, ушбу имтиҳонларни исталган вақтда ва исталган жойда **бепул** топширишингиз мумкин.

Барча ушбу курсларда ўқиш шарт эмас, фақат сизга талаб қилинганини танланг. Шу боис аввал ҳар бир курс бўйича ўз билимингизни текширинг ва қайсиларидан ўтиш кераклигини аниқланг. Ўзини ўзи баҳолашдан acfp.uz сайтидаги «Ягона имтиҳон» саҳифасида ўтиш мумкин.

Бу ерда имтиҳонларга киришга рухсат олиш мумкин;

б) ACFP талабасига – CFS малакаси учун талабгорга айланишингиз керак acfp.uz сайтида «Аъзолик» бўлимида ACFP талабаси сифатида рўйхатдан ўтинг. Рўйхатдан ўтгунга қадар ACFP устави, Ахлоқ ва профессионал ҳуққ кодекси ва ACFPда иштирок этиш тўғрисида низом билан танишиб чиқинг ва ҳар йилги аъзолик бадалини тўланг – 1 БҲМ.

CFS имтиҳонлари қандай ва қаерда ўтказилади

Барча CFS имтиҳонлари имтиҳон марказларида компьютерларда ўтказилади. Имтиҳон саволларининг иккита туридан фойдаланилади:

- тестлар шаклида биргина саволлар. Сиз берилган вариантлардан битта/бир нечта жавобларни танлашингиз ёки бўш жойни тўлдиришингиз керак бўлади. Жавоблар автоматик тарзда текширилади;
- битта вазият асосида бир нечта саволлар. Жавоблар, худди биргина саволлар каби, автоматик тарзда баҳоланади

Имтиҳоннинг давомийлиги – 2 соату 15 дақиқа. B.LW ва B.TX имтиҳонларидан ташқари барча имтиҳонлар «ёпиқ китоб» билан ўтказилади – ҳар қандай материалдан фойдаланиш тақиқланган. B.LW ва B.TX имтиҳонларида сиз Ўзбекистоннинг қонунчилигидан фойдаланиш имкониятига эга бўласиз.

Сиз имтиҳон натижалари ҳақида у ўтказилган санадан бошлаб 10 иш куни ичида acfp.uz сайтидаги шахсий кабинетда билиб оласиз.

Имтиҳонлар: 2024 йилда – декабрь ойида, 2025 йилда – июнь ва декабрь ойларида ўтказилади. Имтиҳонга у ўтказилишидан 15–90 календарь кун олдин рўйхатдан ўтиш мумкин (стандарт рўйхатдан ўтиш). Стандарт рўйхатдан ўтиш қиймати

1 МҲЭКМ.

Агар сиз стандарт муддатларда рўйхатдан ўтишга улгурмаган бўлсангиз, буни имтиҳондан 7-14 календарь кун олдин амалга ошириш мумкин (кечроқ рўйхатдан ўтиш). Кечроқ рўйхатдан ўтиш қиймати – 1,5 МҲЭКМ.



Имтиҳонларнинг асосий хусусиятлари жадвалда келтирилади:

Номи	имтиҳоннинг таърифи	ўтиш/ энг юқори балл	Давомийлиги	қиймати
B.FR	ёпиқ китоб билан 35 та тест 2 баллдан + 2 та сценарий 15 баллдан	50 %	2 соату 15 дақиқа	1 МҲЭКМ – стандарт рўйхатдан ўтиш 1,5 МҲЭКМ – кечроқ рўйхатдан ўтиш
B.MA	ёпиқ китоб билан 35 та тест 2 баллдан + 3 та сценарий 10 баллдан	50 %	2 соату 15 дақиқа	1 МҲЭКМ – стандарт рўйхатдан ўтиш

				1,5 МҲЭКМ – кечроқ рўйхатдан ўтиш
Номи	имтиҳоннинг таърифи	ўтиш/ энг юқори балл	Давомийлиги	қиймати
B.OO	ёпиқ китоб билан 36 та тест 2 баллдан + 7 та сценарий 4 баллдан	50 %	2 соату 15 дақиқа	1 МҲЭКМ – стандарт рўйхатдан ўтиш 1,5 МҲЭКМ – кечроқ рўйхатдан ўтиш
B.FM	ёпиқ китоб билан 35 та тест 2 баллдан + 3 та сценарий 10 баллдан	50 %	2 соату 15 дақиқа	1 МҲЭКМ – стандарт рўйхатдан ўтиш 1,5 МҲЭКМ – кечроқ рўйхатдан ўтиш
B.AU	ёпиқ китоб билан 35 та тест 2 баллдан + 2 та сценарий 15 баллдан	50 %	2 соату 15 дақиқа	1 МҲЭКМ – стандарт рўйхатдан ўтиш 1,5 МҲЭКМ – кечроқ рўйхатдан ўтиш
B.LW	очиқ китоб билан 50 та тест 2 баллдан	60 %	2 соату 15 дақиқа	1 МҲЭКМ – стандарт рўйхатдан ўтиш 1,5 МҲЭКМ – кечроқ рўйхатдан ўтиш
B.TX	очиқ китоб билан 35 та тест 2 баллдан + 2 та сценарий 15 баллдан	60 %	2 соату 15 дақиқа	1 МҲЭКМ – стандарт рўйхатдан ўтиш 1,5 МҲЭКМ – кечроқ рўйхатдан ўтиш

Имтиҳонларда махсус дастурий таъминот ва ускунадан фойдаланилади, улар:

- малака талабгорининг шахсини тасдиқлаш;
- тақиқланган материаллар, телефонлар, мини-камералар ва бошқа гаджетларни қўллашни истисно қилиш;
- «соф» натижаларни кафолатлаш имконини беради.

Имтиҳон марказлари Тошкент шаҳрида ва ҳудудларда жойлашган.

7 та имтиҳонни муваффақиятли топширгандан ва «Ахлоқ ва профессионал ҳуқ асослари» курсидан ўтгандан сўнг, сиз acfp.uz сайтидаги шахсий кабинетда имтиҳон ўтказилган санадан бошлаб 10 иш куни ичида CFS дипломини оласиз.



cfs

Certified
Finance
Specialist



Имтиҳонларга қандай тайёрланиш керак

Имтиҳонларга тайёрланишни танланг:

- ❖ масофадан ўқитиш платформасида – ёзиб олинган видеомазрузалар, ўқув қўлланмалари, мустақил тайёрланиш учун тестлар асосида мустақил равишда;
- ❖ ўқитувчилар/ўқув марказлари ёрдамида – қатнаб ёки масофадан туриб;
- ❖ ушбу шаклларни қўшиб бирга олиб бориш.

Танланган таълим олиш усулидан қатъи назар имтиҳонларга тайёрланиш учун фойдали ресурслардан – ўқув-услубий қўлланмалар ва жавоблардан тажриба имтиҳон ишларидан фойдаланинг. Сиз уларни acfp.uz сайтида топасиз

Битта CFS имтиҳонини топширишга тайёрланиш давомийлиги сизнинг бошланғич билимларингиз ва ўқишга бағишланган вақтга боғлиқ бўлади. Хусусан, агар сиз ўқишга ҳафтасига камида 10–12 соат ажратсангиз, битта имтиҳонга тайёрланишга 2 ой ва ундан кўп вақт сарфланади.



Имтиҳонлардан озод қилиш

Агар сизда қуйидагилар мавжуд бўлса, сизни имтиҳонларни топширишдан озод қилишлари ва уларни топширилган деб ҳисобга олишлари мумкин:

- CFS дастурига кирадиган ваколатлар соҳалари бўйича АССА сертификатлари;
- бухгалтерия ҳисоби/аудит бўйича бакалавр/магистр дипломи (B.LW ва B.TX имтиҳонларидан ташқари).

Эътибор беринг!

Биз сиз фақатгина ОТМ дипломини яқинда олган бўлсангиз ва сизга ҳисобга олишлари учун уларни топширишга лаёқатли бўлсангиз, базавий даражадаги имтиҳонлардан озод қилишларини сўраб ариза беришингизни тавсия қиламиз.

Акс ҳолда юқорироқ профессионал даражадаги имтиҳонларни топшириш мураккаб бўлади ва сиз CFS дастурлари бўйича ўқишдан ўтишингизга тўғри келади.





Академик жиҳатдан ҳалоллик

ACFP имтиҳонларига тайёрланиш ва уларни топшириш вақтида сиздан академик жиҳатдан ҳалоллик ва фирибгарликка мурасасизликнинг энг юқори стандартларига риоя қилишингиз кутилади.

Имтиҳонларда академик жиҳатдан ҳалоллик, фирибгарликни олдини олиш ва аниқлаш қуйидагиларни таъминлаш учун ҳал қилувчи аҳамиятга эга:

- талабгорлар билимлари, қобилияти ва кўникмаларини адолатли баҳолашни;
- иш берувчилар, мижозлар ва жамият томонидан ACFP малакасига ишончни.

Фирибгарлик – талабгорга имтиҳон натижаларини баҳолашда адолатсиз устунлик берадиган инсофсизлик ёки рухсатсиз ёрдам беришнинг ҳар қандай шакли аниқланганда – айбдор шахс:

- агар фирибгарлик ҳолати биринчи марта аниқланган бўлса, имтиҳонлардан бир йилга четлатилади;
- агар фирибгарлик ҳолати такроран аниқланган бўлса, ACFP малакасини олиш имкониятидан умрбод четлатилиб, батамом қора рўйхатга киритилади.

ACFP имтиҳонларида фирибгарликни олдини олиш сиёсати билан сиз [бу ерда](#) батафсил танишишингиз мумкин.



CFS малака белгисидан фойдаланиш



Имзоингиздаги CFS базавий малака белгиси сизнинг профессионал даражангиз ва тажрибангизни намоиш қилади. Бу иш берувчиларга ва ҳамкасбларга сиз қанчалик малакали ва қадрли мутахассис эканлигингиз ҳақида тушунча беради. Сиз фақатгина дипломи олгандан сўнг, резюмеда, ташриф қоғозиди, материалларда ва бошқаларда фахр билан ўз малакангизни кўрсатган ҳолда, CFS белгисидан фойдаланишингиз мумкин.

Эътибор беринг!


Сиз 7 та имтиҳонни топширмагунга ва «Ахлоқ ва профессионал хулқ асослари» курсидан ўтмагунга қадар имзода CFSнинг қисқартмасидан фойдаланишга ҳақли эмассиз. У зарур билим, қобилият ва кўникмаларни намоиш қилган ҳолда малака тўғрисида диплом олганлар учун имтиёз ҳисобланади.



Кейин нима бўлади

CFS малакасини олгандан сўнг, сиз қуйидаги ҳуқуққа эга бўласиз:

- «Талаба»дан «Аъзоликка номзод»гача АCFPда ўз иштирокингиз даражасини ошириш;
- «Молия ва бизнесни бошқариш» халқаро дипломи ва CFP (Certified Finance Professional – профессионал даражада сертификатланган молия мутахассиси) малакасини олиш учун АCFP ва АССА томонидан қўшма схема (JES) бўйича ўтказиладиган профессионал даражадаги имтиҳонларга кириш.



acfp
Uzbekistan

Association of
Certified Finance
Professionals
of Uzbekistan



Association of
Certified Finance
Professionals
of Uzbekistan